



Број: 05/1-50-13-26-40-3/18

Sarajevo, 15.1.2018.

ZAPISNIK

40. sjednice Nezavisnog odbora Parlamentarne skupštine BiH

Sjednica je održana 15.1.2018., s početkom u 17 sati.

Sjednicu je sazvala Tatjana Klječanin-Martić, predsjednica Nezavisnog odbora.

PRISUTNI ČLANOVI NEZAVISNOG ODBORA: Tatjana Klječanin-Martić, predsjednica Nezavisnog odbora, Enes Obralića, prvi zamjenik predsjednice Nezavisnog odbora, Mato Jozić, drugi zamjenik predsjednice Nezavisnog odbora, Ilma Mehić-Jusufović, Adisa Begić, Nikola Džambas, Mate Miletić, Ljubomir Kuravica i Vladimir Jurišić, članovi Nezavisnog odbora.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednicu su pratili i Zoran Brkić iz Sektora za odnose s javnošću Sekretarijata Parlamentarne skupštine BiH, te Dijana Šatara i Senad Zlatar, predstavnici OHR-a.

Sjednicom je predsjedavala Tatjana Klječanin-Martić, predsjednica Nezavisnog odbora.

Konstatirajući da postoji kvorum za rad, otvorila je 40. sjednicu Nezavisnog odbora Parlamentarne skupštine BiH.

Nakon otvaranja sjednice, predsjednica je predložila sljedeći

DNEVNI RED

1. Usvajanje Zapisnika 39. sjednice Nezavisnog odbora;

2. Usvajanje Zapisnika 2. hitne sjednice Nezavisnog odbora;
3. Razmatranje informacija dostavljenih od Državne agencije za istrage i zaštitu, Granične policije BiH i Direkcije za koordinaciju policijskih tijela BiH u vezi sa zaključcima Nezavisnog odbora s 37. sjednice;
4. Dogovor o održavanju sastanaka članova Nezavisnog odbora s rukovodstvom Direkcije za koordinaciju policijskih tijela BiH, Državne agencije za istrage i zaštitu i Granične policije BiH;
5. Razmatranje Prijedloga izvještaja o radu Nezavisnog odbora Parlamentarne skupštine BiH kao nezavisnog tijela policijske strukture Bosne i Hercegovine za 2017. godinu;
6. Razmatranje Nacrta zakona o policijskim službenicima BiH u kontekstu zaključka Nezavisnog odbora s 32. sjednice;
7. Tekuća pitanja.

Nakon predlaganja dnevnog reda, a prije glasanja, predsjednica Nezavisnog odbora otvorila je raspravu o dnevnom redu.

Za riječ se javila Adisa Begić, članica Nezavisnog odbora, koja je istakla da smatra da tačku 6. dnevnog reda *Razmatranje Nacrta zakona o policijskim službenicima BiH u kontekstu zaključaka Nezavisnog odbora s 32. sjednice* treba skinuti s dnevnog reda, jer su u članu 3. Zakona o nezavisnim i nadzornim tijelima BiH jasno propisane nadležnosti Nezavisnog odbora u kojima nigdje nije propisano razmatranje nacrta zakona niti davanje mišljenja i sugestija.

Nakon toga uslijedila je rasprava svih članova Nezavisnog odbora o ovom pitanju, nakon čega je jednoglasno predloženo da se spomenuta tačka skine s dnevnog reda ove sjednice, ali da će se razmotriti u narednom periodu.

Za ovaj prijedlog glasalo je svih devet članova Nezavisnog odbora.

Nakon što su izglasane izmjene dnevnog reda 40. sjednice Nezavisnog odbora, predsjednica Nezavisnog odbora Tatjana Klječanin-Martić konstatirala je sljedeći

DNEVNI RED

1. Usvajanje Zapisnika 39. sjednice Nezavisnog odbora;
2. Usvajanje Zapisnika 2. hitne sjednice Nezavisnog odbora;
3. Razmatranje informacija dostavljenih od Državne agencije za istrage i zaštitu, Granične policije BiH i Direkcije za koordinaciju policijskih tijela BiH u vezi sa zaključcima Nezavisnog odbora s 37. sjednice;
4. Dogovor o održavanju sastanaka članova Nezavisnog odbora s rukovodstvom Direkcije za koordinaciju policijskih tijela BiH, Državne agencije za istrage i zaštitu i Granične policije BiH;
5. Razmatranje Prijedloga izvještaja o radu Nezavisnog odbora Parlamentarne skupštine BiH kao nezavisnog tijela policijske strukture Bosne i Hercegovine za 2017. godinu;
6. Tekuća pitanja.

Ad.1. Usvajanje Zapisnika 39. sjednice Nezavisnog odbora

Zapisnik 39. sjednice Nezavisnog odbora jednoglasno je usvojen, bez primjedbi.

Ad.2. Usvajanje Zapisnika 2. hitne sjednice Nezavisnog odbora

Zapisnik 2. hitne sjednice Nezavisnog odbora jednoglasno je usvojen, bez primjedbi.

Ad.3. Razmatranje informacija dostavljenih od Državne agencije za istrage i zaštitu, Granične policije BiH i Direkcije za koordinaciju policijskih tijela BiH u vezi sa zaključcima Nezavisnog odbora s 37. sjednice

U uvodu u ovu tačku dnevnog reda predsjednica Nezavisnog odbora Tatjana Klječanin-Martić istakla je da je, u skladu s odlukom s 39. sjednice Nezavisnog odbora, od Direkcije za koordinaciju policijskih tijela BiH, Državne agencije za istrage i zaštitu i Granične policije BiH zatraženo dostavljanje podataka koji nisu dostavljeni shodno zaključcima s 37. sjednice Nezavisnog odbora.

U vezi s tim, Direkcija za koordinaciju policijskih tijela BiH dostavila je akt broj: 20-07-50-1879-4/17, od 25.12.2017., a zaprimljen u Pisarnici Parlamentarne skupštine BiH 26.12.2017., broj: 05/1-50-13-26-37-9/17, Državna agencija za istrage i zaštitu dostavila je akt broj: 16-11-50-7857-6/17, od 29.12.2017., a zaprimljen u Pisarnici Parlamentarne skupštine BiH 29.12.2017., broj: 05/1-50-13-26-37-8/17, te akt broj: I-16-11-50-687-1/17, od 29.12.2017., sa oznakom „interno“. Granična policija BiH izuzev ranije dostavljenih nije dostavila nove informacije.

Predsjednica Nezavisnog odbora otvorila je raspravu o ovoj tački dnevnog reda. Nakon rasprave o dostavljenim materijalima po zaključku s 37. sjednice Nezavisnog odbora koji je glasio: *„Potrebno je uputiti dopis Direkciji za koordinaciju policijskih tijela BiH, Državnoj agenciji za istrage i zaštitu i Graničnoj policiji BiH da Nezavisnom odboru dostave tabelarni prikaz o nacionalnoj zastupljenosti policijskih službenika po organizacionim jedinicama i činovima u tim policijskim agencijama i procentom zastupljenosti konstitutivnih naroda i ostalih“*, a u kojoj su učestvovali svi članovi Nezavisnog odbora, jednoglasno su primljene k znanju sve dostavljene informacije, te je jednoglasno donesen

ZAKLJUČAK

Nakon analize dostavljenih informacija iz Direkcije za koordinaciju policijskih tijela BiH, Državne agencije za istrage i zaštitu i Granične policije BiH, Nezavisni odbor izražava nezadovoljstvo nacionalnom zastupljenošću policijskih službenika po organizacionim jedinicama i činovima.

U tom smislu, Nezavisni odbor smatra da je potrebno da se navedenom pitanju ozbiljnije pristupi kako bi se procentualna zastupljenost konstitutivnih naroda i ostalih poboljšala u odnosu na postojeće stanje, a što je u skladu sa Ustavom BiH i Zakonom o policijskim službenicima BiH.

Dogovoreno je da se ovaj zaključak uputi rukovodiocima Direkcije za koordinaciju policijskih tijela BiH, Državne agencije za istrage i zaštitu i Granične policije BiH.

Dalje, nakon rasprave o dostavljenim materijalima po zaključku s 37. sjednice Nezavisnog odbora koji je glasio: *„Nezavisni odbor traži od rukovodilaca Direkcije za koordinaciju policijskih tijela BiH, Državne agencije za istrage i zaštitu i Granične policije BiH*

informaciju o isteku mandata rukovodilaca i zamjenika rukovodilaca ovih policijskih tijela i podatke o eventualnom ispunjavanju uslova za odlazak u penziju“, a u kojoj su, također, učestvovali svi članovi Nezavisnog odbora, jednoglasno je donesen sljedeći

ZAKLJUČAK

U vezi s podacima dostavljenim iz policijskih agencija BiH koji se odnose na eventualno ispunjavanje uslova za odlazak u penziju, Nezavisni odbor ih je primio k znanju i dostavlja ih ministru sigurnosti BiH na upoznavanje.

Nezavisni odbor traži od rukovodilaca policijskih tijela BiH i njihovih zamjenika da ministru sigurnosti BiH i Nezavisnom odboru blagovremeno dostave podatke o eventualnom ispunjavanju uslova za odlazak u penziju.

Ad.4. Dogovor o održavanju sastanaka članova Nezavisnog odbora s rukovodstvom Direkcije za koordinaciju policijskih tijela BiH, Državne agencije za istrage i zaštitu BiH i Granične policije BiH

U okviru ove tačke dnevnog reda, a shodno dogovoru s ranijih sjednica, članovi Nezavisnog odbora podijelili su se u timove za održavanje sastanaka s rukovodstvom Direkcije za koordinaciju policijskih tijela BiH, Granične policije BiH i Državne agencije za istrage i zaštitu, te dogovorili teme za razgovor.

Dalje, potvrđena je odluka s 39. sjednice da se prilikom posjete Direkciji za koordinaciju policijskih tijela BiH od direktora zatraži informacija u vezi s navodima iznesenim u anonimnoj pritužbi na rad direktora Direkcije za koordinaciju policijskih tijela BiH Mirsada Vilića koja je pristigla Nezavisnom odboru 6.12.2017. Članovi Nezavisnog odbora koji posjete Direkciju za koordinaciju policijskih tijela BiH bit će izvjestioci po ovom pitanju i o tome će obavijestiti Nezavisni odbor.

Jednoglasno je donesen sljedeći **zaključak**: Do naredne sjednice Nezavisnog odbora članovi Nezavisnog odbora održat će sastanke s rukovodstvima policijskih agencija BiH kako slijedi: Tatjana Klječanin-Martić, predsjednica Nezavisnog odbora, Enes Obralića, prvi zamjenik predsjednice Nezavisnog odbora, i Nikola Džambas, član Nezavisnog odbora, održat će sastanak s rukovodstvom Granične policije BiH; Mato Jozić, drugi zamjenik predsjednice

Nezavisnog odbora, Adisa Begić i Vladimir Jurišić, članovi Nezavisnog odbora, održat će sastanak s rukovodstvom Državne agencije za istrage i zaštitu; a Ilma Mehić-Jusufbašić, Mate Miletić i Ljubomir Kuravica, članovi Nezavisnog odbora, održat će sastanak s rukovodstvom Direkcije za koordinaciju policijskih tijela BiH.

Ad.5. Razmatranje Prijedloga izvještaja o radu Nezavisnog odbora Parlamentarne skupštine BiH kao nezavisnog tijela policijske strukture Bosne i Hercegovine za 2017. godinu

Članovi Nezavisnog odbora jednoglasno su usvojili Izvještaj o radu Nezavisnog odbora Parlamentarne skupštine BiH kao nezavisnog tijela policijske strukture Bosne i Hercegovine za 2017. godinu.

Ad.6. Tekuća pitanja

U okviru ove tačke dnevnog reda jednoglasno je primljen k znanju Odgovor na pitanje poslanika u Predstavničkom domu Parlamentarne skupštine BiH Amira Fazlića, dostavljeno Nezavisnom odboru od Državne agencije za istrage i zaštitu, broj: 16-03-50-8607-2/17, od 23.11.2017., a zaprimljen u Pisarnici Parlamentarne skupštine BiH, broj: 01-50-1-15-54/17 od 5.12.2017.

U sklopu ove tačke dnevnog reda dogovoreno je da se sljedeća sjednica Nezavisnog odbora održi 29.1.2018. u 14 sati.

Predsjednica Nezavisnog odbora Tatjana Klječanin-Martić zaključila je sjednicu u 19,45 sati.

SEKRETARKA
NEZAVISNOG ODBORA

Ivana Lovrić

PREDSJEDNICA
NEZAVISNOG ODBORA

Tatjana Klječanin-Martić